

衆中復有多思者其神必殆多念者其志必散多愁者其氣必損多事者其形必役多語者其氣必弱多笑者其臟必傷多愁者其血必散多樂者其氣必溢多喜則百神交錯多怒則百脉不定多好則昏迷不理多惡則憔悴無歡則於其原不潔所學不精其氣自散縱遇明師不解正理雖知養生之方不悟修行之法則所見所聞皆非正道雖知鍊神之意不明得道之要則所學所講皆非正論不多言說而在得法是故修真之士志在玄元而甘寂寞雖運動常見其靜定雖靜定常見其運動一日氣滿功盈五氣調順以至朝元三花聚頂血凝氣聚萬神朝真俱在上官富貴華威樓臺殿閣玉童天童玉女天女十二辰童十二辰女自鼓天樂香花播蓋羅列笙簧似非人世莊嚴名為至真上境是自身上宮未能解脫貪着故鬼神散亂若是於此中稍萌一念自落迷津上學之士當於此時不動一切境地但發無上心但修無量福但發無上心但修無量慧但發無上心但修無量

善但發無礙自在意欲廣及十方無量無邊一切未來皆聞正道不起一切貪心不起一切邪見不起一切夢想不起一切障礙不起一切煩惱不起一切染着情慾如是正法大不可思議大不可稱說方知正統出於香冥無求小驗以迷真性而說偈曰

一切歸依總是一緣若復有人德行具足捨有為心發無為意不違尊德不親不仁思念三寶無時暫捨終不悔意諸行圓滿具足成道無復染滯汝等當知如此經典

集靈經靈符

虛 廣 炭 蓬  
 靈 靈 靈 靈  
 靈 靈 靈 靈

太清境集靈經

太清境中精經第八

我於爾時欲明正道既放五色光明徧滿三千大千世界種種異類世界天堂地獄悉於中見復有十方天尊諸大真仙悉於中見生死苦樂福報多少悉於中見修道階梯悉於中見苦樂國土亦於中見十方衆猶如微塵不可稱數悉見如是光明地獄衆苦無量無邊亦見如是光明時太極真人以大慈大悲大智慧力哀愍衆生見諸苦樂不同天堂地獄受報差等惟願

天尊至聖為衆宣說救護一切作大利益今得解脫永離惡緣速生淨土  
 天尊告十方天尊曰汝今以我之氣化身下降東方若有一劫人民見世受苦則曰玉清降福天尊救度一切災難過往冤孽未得超生則曰玉寶皇上天尊救度一切沉滯南方延壽益算天尊濟生玄真萬福天尊度死西方八卦護身天尊濟生太妙至極天尊度死北方消災解厄天尊濟生玄上玉晨天尊度死東北方紫清賜福天尊濟生度仙上聖天

尊度死東南方長生保命天尊濟生好生度命天尊度死西南方福生無量天尊濟生太靈虛皇天尊度死西北方九宮捍厄天尊濟生無量太華天尊度死上方保命護身天尊濟生玉虛明皇天尊度死下方興大福力天尊濟生真皇洞神天尊度死夫人之生皆是天氣正北位居中一炁生水萬物皆因水而生故北斗居中天而旋迴四方主一切人民生死禍福北斗第一貪狼星第三祿存星為東斗主北斗第二巨門星第四文曲星為西斗記名第六武曲星正居本位為北斗落死第五廉貞星為南斗上生第七破軍星正居中位為中斗大魁總監眾靈凡一切萬物生死皆屬北斗洞明星外輔周回隱元星內弼指十二辰濟生則總曰璇璣玉衡度死則總曰豁落若有眾生遇其災厄隨方禳謝祈禱難禮善無不應而說偈曰

以此要法流通世間若有見聞無量因緣善男信女依事修行行平等行心念歡喜有行之者亦皆成就正入無為不退因緣

一切眾生當信是言受此正教精勤奉行  
中精經靈符

靈 虛 皇  
虛 虛 虛  
靈 靈 靈  
靈 靈 靈

太清境中精經

太清境無量意經 第九

我若說法與汝等言汝當靜默安神而無雜慮然後得聞是法夫法本無法理歸自然心因境亂法本心生立法之意當發如是大不可思議無量善因不可別生異見我於玉清不言一切法上清法品十八門照七階太清法品二十門照九階靈寶正法品亦不言一切法靈寶輔品五十門照三十六品玉虛法品二十門照一階兼投壇占卜秘訣此極天心法部一十二階品第七品四聖照法亦屬靈

都第三品故言都都考召四聖照法兼都都共一十二品七品三五兼附體五品都都兼考召四聖照法七階都都照五品斗下靈文三十六門照四階兼鏡水香照三五紙照都都地照皆為一切修真之士未至妙境當發如是心救度一切生靈凝想至真莫起貪心莫求果報積習漸久亦能漸入初乘若於法中復生貪求即失正道招無量罪是時天真大神至真大神無量飛天大神諸天聖眾聞說是已各各歡喜作如是言若有奉道之士能發如是心欲救一切苦臣等當化身下降令諸天大將及所在十方四直都大神將吏共助法行持俾諸眾生及無量六道四生等眾生者得以延生死者得以復生病者得以安鬼妖邪魔皆得解脫冤家執對各獲消散如斯利益乃為不可思議時於眾中既發善念稽首禮謝

天尊遂告諸大眾曰汝等宿生慶幸得預入天受諸快樂本以天繒食則甘露無有四時寒暑無有日夜冥闇亦無生老病死三塗八

101 A A X - 2